

仁化縣志卷二

學校第四

祀典

學制

學額

學田

學規

書院

社學

仁化縣志卷二

目錄

學校志

化民成俗莫大乎學校所以作養人才也

國家崇儒重道登賢進良必以學校爲本宮牆巍煥
祀典攸隆德行本也文藝末也實勝善也名勝恥
也其聞風興起者彬彬乎有鄒魯之餘風書院社
學義學之設卽古之黨庠術序也藏修有地樂育
有資以期乎人文之蔚起焉志學校

學宮

聖殿東西旁列兩廡中爲丹墀外爲鬢門左右爲兩
齋又左爲名宦祠又右爲鄉賢祠鬢門外爲泮池
又前爲櫺星門門外忠孝祠居左節孝祠居右前

仁化縣志卷二

學校

一一

爲玲瓏牆西爲登雲門東爲龍門又東爲崇正學
門又西爲育真才門殿後爲明倫堂後爲啟聖祠
樓上爲尊經閣文廟左爲教諭衙右爲訓導衙建
置修補詳後

縣學自宋嘉定三年創於舊邑後燬於寇改建於
今邑東歲久復圯淳祐九年攝縣事縣丞鄭軫復
建湯露記元末兵燬明洪武三年知縣何初建永
樂四年知縣宋忠重修嘉靖六年知縣于祥重修
范輅記萬歷十二年知縣翁大賓修劉泰然記二
十七年知縣彭宗旺三十七年知縣楊開泰四十
七年知縣胡京球崇禎十年知縣費映環皆重修

明末寇燬

國朝順治八年知縣王士奇修康熙八年知縣熊維祺捐俸倡建府通判池鳳翼捐俸以助至十一年知縣鹿應瑞始成康熙十五年為楊逆殘燬二十年知縣佟逢年李夢鸞相繼重修乾隆五十八年知縣萬應馨改基擴建嘉慶五年知縣洪人驊乃成之道光二十四年知縣陳其昌倡修二十六年知縣戴玉宸竣事咸豐間為髮逆所摧殘光緒三年知縣葆椿復修增其式廓易用黃瓦並改建櫺星門外宮牆以石易之

大成殿

三間康熙二十五年奉頒御書墨刻萬世師表遵製扁額懸掛

仁化縣志卷二

學校

三

兩廡

東西各三間

戟門

三間

泮池

櫺星門

三間

啟聖祠

在明倫堂後萬曆四十年知縣

敬一亭

在文廟西今廢

兩齋

明倫堂

在文廟後嘉靖六年文廟十七年

會饌堂

神厨

舊在戟門傍遷明倫堂右今圮

號房

十間明知縣林霖二間建今廢

儒學門

射圃

在學之西明洪武初知縣何初立嘉靖六年知縣于祥重建後遷城北今廢

尊經閣

在崇聖祠樓上乾隆元年知縣戴程甸與教官劉談鄭振等重修

書籍

康熙十五年楊逆所燬乾隆元年復儲有十三年經二十一年史等書咸豐四年十年又

賊燬於

祭器 全上

名宦祠 在戟門左

鄉賢祠 在戟門右

忠義孝弟祠 舊在儒學衙左雍正

節孝祠 舊在儒學衙左全遷櫺

五年建嘉慶五
龍門 文廟東

右星門
登雲門 文廟西

崇正學門 文廟東

登雲門 文廟西

育真才門 文廟西

教諭衙 乾隆八年建後嘉慶二十四年重修

訓導衙 嘉慶十三年建於學前橫街嘉慶二十四年遷於文廟右

毓秀祠 在教諭衙內儀門左

仁化縣志卷二 學校

四

聖學心傳亭 在教諭衙內今廢

毓秀坊

萃英坊

步青雲坊

登黃甲坊 俱在儒學前今廢

學宮前餘地 道光二十四年典史劉省三捐送照牆前右側地基一大段

文廟位次

正殿奉

至聖先師孔子 唐贈文宣王宋謚至聖文宣王明靖九年稱至聖先師孔子去肖像易木主

東配西嚮

復聖顏子 名回字子淵魯人唐贈充公宋封顏子

述聖子思子元名 封伯述孔子孫明改封沂水侯改封沂國公

西配東嚮

宗聖曾子元名 封郕子與魯人唐贈郕伯宋封郕國公

亞聖孟子亞名 封明子與鄒人宋封鄒國公

東哲

先賢閔子改名 封費子魯人唐贈費侯宋封瑯琊公

先賢冉子改名 封薛子仲弓魯人唐贈薛侯宋封下邳公

先賢端木子改名 封賜子貢衛人唐贈黎侯宋封黎陽

先賢仲子改名 封衛子路卞人唐贈衛侯宋封河內公

先賢卜子改名 封商子夏衛人唐贈魏侯宋封河東公

仁化縣志卷二 學校 五

先賢有子名 若字子魯人唐贈卞伯宋封平陰侯

西哲

先賢冉子改名 封耕子伯牛魯人唐贈鄆侯宋封東平公

先賢宰子改名 封予子我魯人唐贈齊侯宋封臨淄公

先賢冉子改名 封求子有魯人唐贈徐侯宋封彭城公

先賢言子改名 封偃子游吳人唐贈吳侯宋封丹陽公

先賢顓孫子名 侯師字子張陳人唐贈陳伯宋封宛邱

先賢朱子名 侯熹字元晦宋婺源人諡曰文封徽國公

東廡

先賢公孫子僑字 子產鄭人國朝咸豐七年從祀

之列西哲

先賢林子放

明字嘉靖九年唐贈清河伯宋封長山侯

祀年復

先賢原子憲

字子思魯人唐贈原伯宋封任城侯

先賢南宮子适

改字汝陽侯唐贈鄆伯宋封龔邱侯

先賢商子瞿

字子木魯人唐贈蒙伯宋封須昌侯

先賢漆雕子開

字子若魯人唐贈滕伯宋封平輿侯

先賢司馬子耕

改字睢陽侯唐贈向伯宋封楚邱侯

先賢梁子鱸

字魚叔魯人唐贈梁伯宋封千乘侯

先賢冉子孺

字子魚魯人唐贈紀伯宋封臨沂侯

先賢伯子虔

字子皙魯人唐贈聊伯宋封沐陽侯

先賢冉子季

字子產魯人唐贈東平伯宋封諸城侯

仁化縣志卷二

學校

六

先賢漆雕子徒父

字子苑侯蔡人唐贈須句伯宋封高

先賢漆雕子哆

字子斂魯人唐贈武城伯宋封濮陽

先賢公西子赤

字子華魯人唐贈郟伯宋封鉅野侯

先賢任子不齊

字子選楚人唐贈任城伯宋封當陽

先賢公良子孺

字子正陳人唐贈東牟伯宋封牟平

先賢公肩子定

字子中魯人唐贈新田伯宋封梁父

先賢鄒子單

字子家齊人唐贈銅鞮伯宋封聊城侯

先賢罕父子黑

字子素魯人唐贈乘邱伯宋封祁陽

先賢榮子旂

字子祺魯人唐贈雩婁伯宋封厭次侯

先賢左人子郢

字子行魯人唐贈臨淄伯宋封南華

先賢鄭子國

字子徒秦人唐贈滎陽伯宋封胸山侯

先賢原子亢

字子籍魯人唐贈萊蕪伯宋封樂平侯

先賢廉子潔

字子曹衛人唐贈莒父伯宋封胙城侯

先賢叔仲子會

字子期魯人唐贈瑕邱伯宋封博平

先賢公西子輿如

字子善魯人唐贈重邱伯宋封臨

先賢邾子巽

字子歛魯人唐贈平陸伯宋封高堂侯

先賢陳子亢

字子禽陳人唐贈潁伯宋封南頓侯

先賢琴子張

字子開衛人唐贈南陵伯宋封陽平侯

先賢步叔子乘

字子車齊人唐贈滄于伯宋封博昌

先賢秦子非

字子之魯人唐贈汧陽伯宋封華亭侯

先賢顏子噲

字子聲魯人唐贈朱虛伯宋封濟陽侯

先賢顏子何

字子冉魯人唐贈開陽伯宋封堂邑侯

仁化縣志卷二

學校

七

祀

先賢縣子亶

字子象魯人唐朝雍正二年復祀嘉靖九年

先賢牧子皮

力年子象魯人唐朝雍正二年從祀

先賢樂正子克

周人宋政和五年配享孟廟封利國

先賢萬子章

齊人宋政和五年配享孟廟封博興伯

先賢周子敦頤

從字茂叔道州人諡曰元宋濬祐元年

先賢程子顥

字伯淳河南人諡曰純宋濬祐元年從

賢

先賢邵子雍

字堯夫河南人諡康節宋濬祐三年從

賢

先儒公羊子高 符周封未齊人唐貞觀廿一年從祀宋祥

先儒伏子勝 祀字宋子封賤秦濟南人唐貞觀二十一年從

先儒毛子亨 漢人國朝同治二年從祀

先儒孔安國 二字子國孔子從祀宋世孫漢博士唐貞觀

先儒后子蒼 字近君漢東海郟人明嘉靖九年從祀

先儒鄭子元 從字康成封高密人唐貞觀二十一年

先儒范子甯 十字武子晉順陽人封野遂侯唐貞觀二

先儒陸子贄 六字敬輿唐嘉興人諡曰宣國朝道光

先儒范子仲淹 後字希文封楚國公汝南公諡文正

仁化縣志卷二 學校 八

先儒歐陽子修 年字永叔宋廬陵人諡文忠明嘉靖九

先儒司馬子光 正字君實宋夏縣人贈溫國公諡曰文

先儒謝子良佐 年字顯道上海蔡人國朝道光二十九年

先儒羅子從彥 萬字仲素宋劍人從祀清祐間諡文質明

先儒李子綱 字伯起邵武人國朝咸豐元年從祀

先儒張子枳 祀字敬夫宋綿竹人諡曰宣景定二年從

先儒陸子九淵 九字子靖宋金谿人諡曰文安明嘉靖

先儒陳子淳 年字安卿宋漳州龍溪人國朝雍正二

先儒眞子德秀 二字景元宋蒲城人諡曰文忠元至

封祀蒲城伯三年福國公明正統元年從

先儒何子基 正字 二子 恭宋 金華 人諡曰文定 國朝 雍

先儒文子天祥 三字 宋瑞 宋廬 陵人 國朝 道光 二十

先儒趙子復 祀字 仁甫 元德 安人 國朝 雍正 二年 從

先儒金子履祥 祀字 正吉 父元 蘭谿 人諡曰文安 國朝

先儒陳子澔 祀字 可大 元都 昌人 國朝 雍正 二年 從

先儒方子孝孺 從字 祀希 直明 甯海 人 國朝 同治 二年

先儒薛子瑄 從字 祀温 德明 河津 人諡曰文清 隆慶 五年

先儒胡子居仁 字 叔心 明餘 干人 萬歷 十二年 從 祀

先儒羅子欽順 正字 二允 升明 泰和 人諡文莊 國朝 雍

先儒呂子柝 祀字 仲木 明西 安人 國朝 同治 二年 從

先儒劉子宗周 光字 二起 年東 明山 陰人 諡曰忠 國朝 道

仁化縣志卷二 學校 九

先儒孫子奇逢 從字 祀啟 泰明 容城 人 國朝 道光 八年

先儒張子履祥 治字 十考 夫一 字念 芝桐 鄉人 國朝 同

先儒陸子隴其 正字 二稼 書平 湖人 諡曰清獻 國朝 雍

西廡

先賢蘧子瑗 延字 祀伯 玉衛 人唐 贈衛 伯宋 封內 黃侯 元

先賢澹臺子滅明 二年 國復 朝雍 正 祀 子羽 魯人 唐贈 單父 伯宋 封單 父

先賢宓子不齊 字 侯子 賤魯 人唐 贈單 父伯 宋封 單父

先賢公冶子長 字 子子 長齊 人唐 贈莒 伯宋 封高 密侯

先賢公皙子哀 字 季次 齊人 唐贈 郟伯 宋封 北海 侯

先賢高子柴 字 子羔 齊人 唐贈 共伯 宋封 共城 侯

先賢樊子須 字子遲 魯人 唐贈樊伯 宋封益都侯

先賢商子澤 字子季 魯人 唐贈睢陽伯 宋封鄒平侯

先賢巫馬子施 字子期 陳人 唐贈鄆伯 宋封東阿侯

先賢顏子辛 字子柳 魯人 唐贈蕭伯 宋封陽穀侯

先賢曹子邴 字子循 蔡人 唐贈曹伯 宋封上蔡侯

先賢公孫子龍 字子石 楚人 唐贈黃伯 宋封枝江侯

先賢秦子商 字子丕 魯人 唐贈上洛伯 宋封馮翊侯

先賢顏子高 字子橋 魯人 唐贈瑯琊伯 宋封雷澤侯

先賢壤駟子赤 字子徒 秦人 唐贈北徵伯 宋封上郢侯

先賢石作子蜀 字子明 秦人 唐贈郟邑伯 宋封

先賢公夏子首 字子乘 魯人 唐贈亢父伯 宋封鉅野侯

先賢后子處 字子里 齊人 唐贈營邱伯 宋封膠東侯

先賢奚容子葳 字子皙 衛人 唐贈下邳伯 宋封濟陽侯

先賢顏子祖 字子襄 魯人 唐贈臨沂伯 宋封富陽侯

先賢句子井疆 字子孟 衛人 唐贈洪陽伯 宋封斧陽侯

先賢秦子祖 字子南 秦人 庸贈少梁伯 宋封郵城侯

先賢縣子成 字子祺 魯人 唐贈鉅野伯 宋封武城侯

先賢公祖子句茲 字子之 魯人 唐贈期思伯 宋封卽

先賢燕子伋 字子思 秦人 唐贈漁陽伯 宋封汧源侯

先賢樂子欬 字子聲 魯人 唐贈昌平伯 宋封建城侯

先賢狄子黑 字子皙 衛人 唐贈臨濟伯 宋封林慮侯

先賢孔子忠 字子蔑 孔子兄之子 唐贈汶陽伯 宋封

仁化縣志卷二 學校

先賢公西子葳 字子葳 魯人 唐贈祝阿伯 宋封徐城

先賢顏子之僕 字子僕 魯人 唐贈東武伯 宋封苑

先賢施子之常 字子常 魯人 唐贈乘氏伯 宋封臨濮

先賢申子楨 字子楨 魯人 唐贈魯伯 宋封文登侯

先賢左子邱明 魯人 唐封中邱伯 貞觀二十一年從祀 宋封嘉靖九年

先賢秦子冉 字子冉 魯人 唐封開邱 貞觀二十一年從祀 宋封嘉靖九年復

先賢公明子儀 魯人 國朝咸豐三年從祀

先賢公都子 齊人 宋政和五年從祀 孟廟封平陸伯

先賢公孫子丑 齊人 國朝政和五年從祀 孟廟封壽光

先賢張子載 字子載 厚宋鄆縣人 諡曰明 宣祐元年從祀

先賢程子頤 字子頤 正陽伯 南人 諡曰正 宣祐元年從祀

先賢穀梁子赤 周人 未稱先賢 唐封貞觀二十一年從祀 宋

先儒高堂子生 魯人 唐貞觀二十一年從祀 宋封萊

先儒董子仲舒 字仲舒 廣武人 漢封十一年從祀 宋

先儒毛子萇 字子萇 趙人 漢封十一年從祀 宋

先儒杜子春 字子春 緜人 唐封十一年從祀 宋

氏儒諸葛子亮 字子亮 南陽人 漢封十一年從祀 宋

仁化縣志卷二 學校 十一

從二年

先儒王子通

明字仲淹 嘉靖九年 從東龍門人私諡曰文中子

先儒韓子愈

七字退之 唐南陽人諡曰文宋神宗元豐

先儒胡子瑗

從字翼之 宋嘉靖九年 復祀曰文昭端平二年

先儒韓子琦

從字稚圭 宋安陽人 國朝咸豐二年 從

先儒楊子時

從字中封 宋將樂人諡文靖明宏治九年

先儒尹子焯

字彥明 宋洛人 國朝雍正二年 從祀

先儒胡子安國

二字康侯 宋崇安人諡曰文定元至元

先儒李子侗

封字愿中 宋劍浦人元至正二年 從祀

先儒呂子祖謙

改字伯恭 宋婺源人諡曰成嘉熙三年

先儒袁子燮

字叔和 鄞縣人 國朝同治七年 從祀

仁化縣志卷二

學校

十二

先儒黃子榦

正字直卿 宋閔縣人諡曰文肅 國朝雍

先儒蔡子沈

正字仲默 宋建陽人贈榮國公諡文正明

先儒魏子了翁

從字華父 宋蒲江人 國朝雍正二年

先儒王子柏

正字會之 宋金華人諡曰文宣 國朝雍

先儒陸子秀夫

從字君實 宋鹽城人 國朝咸豐元年

先儒許子衡

封字仲平 元河內人諡曰文正至大二年

先儒吳子澄

公字幼清 宋崇仁人元諡文正封臨川郡

先儒許子謙

二國朝 復祀 隆八年 從祀 嘉靖九年 罷祀 郡

先儒曹子端

祀字正夫 明澗池人 國朝咸豐十年 從

先儒許子謙

祀字益之 元金華人 國朝雍正二年 從

先儒陳子獻章

二字公甫明新會人諡曰文恭萬曆十二年

先儒蔡子清

正字介夫明晉江人諡曰文莊國朝雍正二年

先儒王子守仁

萬字伯安明餘姚人封新建伯諡文成

先儒呂子坤

祀字叔簡明甯陵人國朝道光六年從

先儒黃子道周

光字幼平明漳浦人諡忠端國朝道光

先儒湯子斌

年字孔伯國朝睢州人諡文正道光三

崇聖祠奉

肇聖王木金父

裕聖王祈父

貽聖王防叔

昌聖王伯夏

仁化縣志卷二

學校

啟聖王叔梁紇

東配

先賢孔氏

名孟皮孔子之兄國朝咸豐七年配饗

先賢顏氏

名無繇字季路唐贈杞伯宋封曲阜侯元

先賢孔氏

配名鯉字伯魚宋封泗水侯明嘉靖九年改

西配

先賢曾氏

名點字皙唐贈宿伯宋封萊蕪侯明嘉

先賢孟氏

靖名激字公宜元延祐三年封邾國公明嘉

東廡

先儒周氏

名輔成敦頤之父國朝雍正元年從祀

先儒程氏

名珦字伯溫顯頤之父明嘉靖九年從祀

先儒蔡氏

名元定字季通沉之父明嘉靖九年從祀國朝雍正元年復祀

西廡

先儒張氏

名迪載之父國朝雍正二年從祀

先儒朱氏

名松字喬年熹之父元至正年間諡曰清獻明嘉靖九年從祀國朝雍正元年復祀

名宦祠祀

宋知縣蘇邁

明知縣羅俊

明知縣李淮清

明知縣左濬

明知縣陳豫章

仁化縣志卷二

學校

十四

明教諭翁瑛

明教諭林岳

明教諭鍾岳齡

明教諭李占春

明訓導史慶

明訓導姚侗

國朝巡撫佟養甲

國朝巡撫李率泰

國朝巡撫王來任

鄉賢祠祀

明彬州知州蔡良

明桂陽州知州蒙祿昌

明處士蒙景澄

明舉人蒙榮

節孝祠祀

明譚李氏 譚漢妻

國朝羅譚氏 羅潤祖妻

國朝黎葉氏 黎人質妻

國朝譚蒙氏 譚功術妻

國朝譚謝氏 譚日旺妻

案 名宦鄉賢忠義節孝祠俱非題奏議準不得濫

祀至忠義祠例祀遇難殉節諸臣邑所祀諸人未

仁化縣志卷二

學校

十五

合故不載其名以昭慎重

祀典

先師廟 歲以春秋仲月上丁致祭致齋二日祭前

一日飭廟戶潔掃殿廡內外眡割牲官公服詣神

厨眡割牲如儀執事具祝版供諸 大成殿及

崇聖祠行禮如儀承祭官率執事入學習儀教官

率樂舞諸生入學習樂習舞祭日陳設

先師位前 牛一 羊一 豕一 登一 鉶二

簋二 簋二 籩十 豆十 鑪一 鐙二

四配位前各 羊一 豕一 鉶二 簋二 簋二

籩八 豆八 鑪一 鐙二

十二哲位前 劔一 簋一 簋一 籩四 豆四

東西各羊一 豕一 鑪一 鐙二

兩廡先賢案前 羊二 豕二 香案一 鑪一 鐙

二 簋一 簋一 籩四 豆四

先儒案前 羊一 豕一 香案一 鑪一 鐙二

簋一 簋一 籩四 豆四

正殿中設一案供祝版南東設一案陳帛香盤樽
樽實酒承以舟疏布罍勺具設五十一爵備先
師 四配 十二哲每位三獻之用 兩廡各設
一爵實酒別具虛爵六備 賢儒各三獻之用

崇聖祠同日致祭祭日陳設

仁化縣志卷二

祀典

正位前 各羊一 豕一 劔二 簋簋各二 籩

豆各八 鑪一 鐙二

配位前 簋一 簋一 籩四 豆四 東西各羊

一 豕一 鑪一 鐙二

正位配位設爵共二十有七備每位各三獻之用
兩廡先儒位前 各設簋簋籩豆羊豕鑪鐙如配位之
數每位各爵一實酒虛爵各三以備東西三獻之
用

制帛 聖殿正位 四配制帛九異筐 十二哲制

帛八共筐 兩廡制帛各二同筐 崇聖殿 正

位制帛五 配位制帛四 東西兩廡制帛各一

以上色俱白

樂舞 迎神奏昭平之章初獻奏宣平之章舞羽籥之舞亞獻奏秩平之章舞同初獻終獻奏敘平之章舞同亞獻徹饌奏懿平之章送神奏德平之章

祭器 爵 登 豆 鉶 簠 簋 尊 鑪 俱用銅

俎 木用 籩 豆 俱編竹爲之

祭品 先師廟登實太羹鉶實和羹簠實稻梁簋實黍稷籩實形鹽藁魚棗栗菱芡榛鹿脯白餅黑餅豆實韭菹醢菁苴芹苴兔醢鹿醢筍苴魚醢脾析豚拍

四配崇聖祠正位籩實無黑餅白餅豆實無脾析

仁化縣志卷一

祀典

十七

豚拍 正殿兩序兩廡崇聖配位兩廡簠實黍簋實稷無稻梁籩實形鹽棗栗鹿脯豆實菁苴鹿醢芹苴醢醢 直省府州縣祭品如不能備各就土之所有以類充

樂器 附 舞 器 先師廟中設中和韶樂於兩階編鐘十

有六在東編磬十有六在西皆懸以虞業東應鼓一柷一麾一西敵一東西分列琴六瑟四簫六籥六箎四簫二塤二埙二笙六搏拊二旌二羽籥三十有六

佾舞 先師廟始終皆用文舞其佾六每佾六人凡三十六人皆右執羽左執籥以節領之引導進退

釋奠儀節

雞初鳴正獻官分獻官豫集均朝服味爽贊禮二人引正獻官由左側門入二人引兩序分獻官二人引兩廡分獻官由左側門入至堦東盥手畢詣拜位前立又引文武陪祀官咸詣拜位序立典儀贊樂舞生登歌文舞六佾進贊禮贊就位引正獻官分獻官各就位立典儀贊迎神司樂贊舉迎神樂奏昭平之章樂作贊禮贊就上香位引正獻官升東階入殿左門贊詣先師香案前贊跪行一叩禮興贊上香司香跪奉香正獻官上炷香三上瓣香跪行一叩禮興贊不以次詣四配位前

仁化縣志卷二

學制

十八

跪上香儀同贊復位引正獻官退降階復位初迎神時贊禮分引兩序分獻官詣十二哲位前跪上香退降階復位引兩廡分獻官分詣先賢先儒位前跪上香退復位均如前儀贊禮贊跪叩興正獻官分獻官暨陪祀官行三跪九叩禮興樂止典儀贊奠帛爵行初獻禮奏宣平之章舞羽籥之舞樂作贊禮引正獻官升階贊詣先師位前贊跪行一叩禮興司帛跪奉筐正獻官受筐拱舉奠於案司爵跪奉爵正獻官受爵拱舉奠於塾中跪行一叩禮興贊禮贊就讀祝位引正獻官至殿中拜位立贊跪正獻官分獻官暨陪祀官皆跪贊

讀祝司祝 跪讀祝讀畢興奉祝版安 案前三叩

興退正獻分獻官暨陪祀官均行三叩禮興贊禮

引正獻官以次詣 四配位前跪奠帛獻爵儀同

退降階復位贊禮 分引兩序分獻官詣十二哲位

前跪奠帛獻爵興退降階復位引兩廡分獻官分

詣 先賢 先儒位前奠帛獻爵復位儀同樂止

亞獻奏秩平之章舞同初獻樂作贊禮 引正獻官

升階贊詣 先師位前暨 四配位前奠爵如初

儀兩序兩廡隨分獻畢均復位樂止終獻奏敘平

之章舞同亞獻樂作引正獻官升階奠爵如亞獻

儀兩序兩廡隨分獻畢均復位樂止文舞退典儀

仁化縣志卷二

學制

十九

贊飲福受胙贊禮 贊詣受福胙位引正獻官至殿

中拜位立奉福胙二人自東案奉福胙至 先師

位前拱舉退立於正獻官之右接福胙二人自西

案進立於左贊禮 贊跪正獻官跪贊 飲福酒右一

人跪遞福酒正獻官受爵拱舉以授於左接以興

次受胙如飲福之儀贊叩興正獻官三叩興贊復

位引正獻官退降階復位贊 跪叩興正獻官分獻

官暨陪祀官均行三跪九叩禮興典儀 贊徹饌奏

懿平之章樂作徹畢樂止贊送 神奏德平之章

樂作贊禮 贊跪叩興正獻官分獻官暨陪祀官行

三跪九叩禮興樂止典儀 贊奉祝帛送燎有司 各

奉祝帛香饌恭送燎所如儀正獻官避立拜位西
旁俟過復位樂作贊禮引正獻官詣燎所眡燎畢
乃引由側門出樂止陪祀各官皆退通禮
崇聖祠儀同惟不用樂章舞佾

名宦祠

鄉賢祠

忠義孝弟祠

節孝祠

俱以春秋致祭皆羊一豕一籩豆各四以教官
一員主之上香讀祝三獻均行一跪三叩禮邑

祭期同 文廟

仁化縣志卷二

學制

二十

社稷 歲以春秋仲月戊日致祭

先農 歲以仲春亥日或季月致祭畢率屬行耕藉
禮

風雲雷雨神祇 歲以春秋仲月戊日致祭

雲祀 歲孟夏後諏吉雩祭

祈祀報祀 旱潦而祈既應而報無常期

城隍 合祀神祇壇又以 神主厲壇之祀

厲祭 歲以三月寒食邑清以 七月望日十月朔日

邑望日祭

關帝 歲以春秋仲月及五月旬有三日致祭

文昌 歲以春秋仲月及二月三日致祭

天后 歲以春秋仲月諏吉致祭

濂溪祠 歲以春秋仲月諏吉致祭行二跪六叩

禮

以上各祭品祭器禮儀不具載

正殿樂章

乾隆八年頒

迎神 昭平之章

大哉孔子 先覺先知 與天地參

萬世之師 祥徵麟紱 韻答金絲

日月既揭 乾坤清夷

初獻 宣平之章

予懷明德 玉振金聲 生民未有

仁化縣志卷二

學制

二十一

展也大成 俎豆千古 春秋上丁

清酒既載 其香始升

亞獻 秩平之章

式禮莫愆 升堂再獻 響協鼗鏞

誠孚疊獻 肅肅雍雍 譽髦斯彥

禮陶樂淑 相觀而善

終獻 敘平之章

自古在昔 先民有作 皮弁祭菜

於論思樂 惟天牖民 惟聖時若

彛倫攸叙 至今木鐸

徹饌 懿平之章

先師有言 祭則受福 四海饗宮

疇敢不肅 禮成告徹 毋疎毋瀆

樂所自生 中原有菽

送神 德平之章

鳧繹峩峩 洙泗洋洋 景行行止

流澤無疆 聿昭祀事 祀事孔明

化我烝民 育我膠庠

正殿祝文

惟

先師德隆千聖道冠百王揭日月以常行自生民所未
有屬文教昌明之會正禮和樂節之時辟雍鐘鼓

仁化縣志卷二

學制

二十二

惟恪薦於馨香泮水膠庠益致嚴於籩豆茲當仲

春秋 祇率彛章肅展微忱聿陳祀典以

復聖顏子

宗聖曾子

述聖子思子

亞聖孟子配尚

饗

崇聖祠祝文

惟

王奕禩鍾祥光開聖緒盛德之後積久彌昌凡聲教
所覃敷悉循源而溯本宜肅明禋之典用申守土

之忱茲屆仲秋 春 聿修祀事以

先賢孔氏

先賢顏氏

先賢曾氏

先賢孔氏

先賢孟孫氏配尚

饗

名宦祠祝文

卓哉

羣公懋修厥職澤被生靈功垂社稷茲屆仲秋 春 聿修

祀事尚

仁化縣志卷二

學制

二十二

饗

鄉賢祠祝文

於惟

羣公孕秀茲邦懿德卓行奕世流芳茲屆仲秋 春 聿修

祀事尚

饗

忠義祠祝文

維

靈稟賦貞純躬行篤實忠誠奮發貫金石而不渝義

問宣昭表鄉閭而共式祇事懋彞倫之大性摯莪

蒿克恭念天顯之親情殷棣萼楷模咸推夫懿德

綸恩特闡其幽光祠宇維隆歲時式祀用陳樽簋來格

几筵尙

饗

節孝祠祝文

維

靈純心皎潔令德柔嘉矢志完貞全閨中之亮節竭

誠致敬彰壺內之芳型茹冰蘖而彌堅清操自勵

奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦樽

醪尙

饗

仁化縣志卷二

學制

二十四

文衡土主祝文

惟

神職司幽道默相人文佑我多士科甲聯興茲當仲

秋 春 聿修祀事尙

饗

社稷壇祝文

惟

神奠安九土粒食萬邦分五色以表封圻育三農而

蕃稼穡恭承守土肅展明禋時屆仲秋 春敬修祀典

庶丸丸松栢鞏磐石於無疆翼翼黍苗佐神倉於

不匱尙

饗

神祇壇祝文

惟

神贊襄天澤福佑蒼黎佐靈化以流形生成永賴乘
氣機而鼓盪溫肅攸宜磅礴高深長保安貞之吉
憑依鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祀陳牲

幣尙

饗

先農祝文

惟

仁化縣志卷二

學制

二十五

神肇興稼穡立我烝民頌思文之德克配彼天念率
育之功陳常時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彛章聿修祀事惟
願五風十雨嘉祥恒沐

神庥庶幾九穗雙歧上瑞頻書大有尙

饗

雩祀祝文

曰恭膺

詔命撫育羣黎仰體

彤廷保赤之誠勤農勸稼俯推蔀屋資生之本力穡

服田令甲爰頒肅舉祈年之典惟寅將事用申守
土之忱黍稷惟馨尙冀明昭之受賜來牟率育庶
俾豐裕於蓋藏尙

饗

文昌帝君廟 秋 春 二祭祝文

惟

神道闡苞符性敦孝友並行並育德侔天地以同流
乃聖乃神教炳日星而大顯仰鑒觀之有赫示明
德之惟馨茲當仲 火 春 用昭時享惟祈
歆格克鑒精虔尙

饗

仁化縣志卷一

學制

二十六

二月初三日告祭祝文

維

神功參橐籥撰合乾坤溯誕降之靈辰三台紀瑞度
中和之令節九宇承暉若日月之有光明闡大文
於孝友如天地無不覆載感至治於馨香爰舉上
儀敬陳方薦精裡罔斃

神鑒式臨尙

饗

後殿二月初三日告祭祝文

維

文昌帝君道備中和神超亭毒稟詒謀而允紹欽毓

聖之有基雲漢昭回際嶽降崧生之會馨香感格
興水源木本之思式肇明裡用光彞典尙祈

神鑒享此清芬尙

饗

後殿 秋 春 二祭祝文

曰維

神祭引先河之義禮崇反本之思矧夫世德彌光延
賞斯及祥鍾累代炯列宿之精靈化被千秋爲人
文之主宰是尊後殿用答前庥茲值仲 秋 春 肅將時
事用申告潔

神其鑒歆尙

仁化縣志卷二

學制

二十七

饗

關帝廟 秋 春 二祭祝文

維

神星日英靈乾坤正氣允文允武紹聖學於千秋至
大至剛顯神威於六合仰聲靈之赫濯崇典禮於
馨香茲當仲 秋 春 用昭時饗維祈

昭格克鑒精虔尙

饗

五月十三日告祭祝文

維

神九宇承庥兩儀合撰崧生嶽降溯誕聖之靈辰日

午中天屆恢台之令序聰明正直一者也千秋徵
胖蠻之隆盛德大業至矣哉六幕肅馨香之薦爰
循懋典式展明禋苾芬時陳精誠

鑒格尙

饗

後殿五月十三日告祭祝文

維

王迪德承家累仁昌後崧生嶽降識毓聖之有基木
本水源宜推恩之及遠封爵特超於五等馨香永
薦於千秋際仲夏之屆期命禮官而將事惟祈

昭格鑒此精虔尙

仁化縣志卷二

學制

二十八

饗

後殿

秋 春

二祭祝文

維

王世澤覃庥令儀裕後靈鍾河嶽篤生神武之英誠
溯淵源宜切尊崇之報班爵超躬桓而上馨香肅
俎豆之陳茲當仲秋 春爰修祀事尙祈

昭鑒式此苾芬尙

饗

天后宮祝文

維

后配天立極護國徵祥河清海晏物阜民康保安斯

土福庇無疆千秋鞏固萬載靈長

神恩莫報

聖澤難忘虔修祀事恭薦馨香士民一德俎豆同堂

仰惟

昭格鑒此蒸嘗尙

饗

濂溪祠祝文

維

夫子上接鄒魯下開閩洛澤被韶陽共推先覺茲當

仲春秋謹以牲醴用伸虔祭尙

饗

仁化縣志卷二

學制

二十九

舊志鹿應瑞曰天子祭天地諸侯祭其域內山川此敬天勤民之實也勤民故敬天敬天不可不勤民而世之君子或實言勤民虛言敬天爲之說曰先王以神道設教耳夫設者未必然而爲之詞使無神而設之是欺人也使有神而疑之是欺天也已則欺天而誣先王爲欺人則亦不學之過也古今祀典無不先孔子明乎郊社禘嘗治天下如運諸掌非孔子之言乎爲上者精白一心自通於鬼神以昭事上帝爲之下者凜鑒觀之赫止邪諂於未形則進德修業不鞭策而日新祀典之制豈特爲災祥祈報乎勤民

者養其身以有富也格其心以有教也一凜於敬天鳴呼明而行之鮮矣

學額

廩膳生員二十名

增廣生員二十名

歲科試文童各額進八名 歲試武童額進八名

歲貢生二年一貢以食餼之先後爲序如遇

恩詔例以正貢作 恩以次貢作歲

拔貢生十二年一試每學一名才不充選寧缺無

濫

優貢生三年一舉由儒學擇諸生中文品優長者

舉報取爲優生復由 學憲擇通省優生中招覆

仁化縣志卷二

學額

三十

共取四名縣無常額

學田

一獅子巖下租議折銀陸兩遞年徵解

一大田冲田租議折銀三錢六分內除一錢與佃

民完差餘二錢六分徵解

一燕子巖雀子冲田租議征銀四兩內除一兩完

差餘解縣

一扶溪水頭低龍埧田租議征銀一兩內除三錢

四分完差餘留學公用

今廢

一續撥新村小水田租每年議征銀三錢四分內

除壹錢與佃民完差餘充學公用

今廢

一山口八斗種等田租議折銀一兩內除辦納糧
差餘解縣貯庫

以上六號田查共稅五十五畝四分六厘零每年
折定租銀一十二兩七錢除納糧差銀二兩七錢
六分存銀九兩九錢四分

國朝以來俱由縣解學道支銷

據府志補

一大塘一口在教場後康熙年間生員葉蔭標等
送入學產契議塘利供文廟香燭外餘助邑諸生
鄉試卷費道光二年知縣韓鳳修撥歸關帝廟
一長江土名豬頭坵黃溪水田租每年租穀十八
石每石八十觔除遞年完糧連閏銀米共銀六錢

仁化縣志卷二

學田

三十一

正又除斗役收租工食外餘歸學公用

採訪冊

案仁化學田自明嘉靖丙午知縣嚴時中以西
峯寺僧互爭田二十畝有奇歲收穀四十石撥
入學始有學田後萬歷四十年知縣高應選以
鄉民黃國球等訟田額租三十五石有奇歸學
而皆無土名稅畝可稽舊志所載祇有獅子巖
以下六條今俱歸縣徵收未知其卽嚴高二公
所立之田否也今實在歸學者祇長江租穀十
八石亦無畝段可查役佃侵蝕叢隱李夢鸞云
非徒概恤其私想今昔懸殊耳又查縣檔冊遞
年由縣額征學田租銀共二十四兩八錢四分

內解學憲銀九兩九錢四分另搭碼銀四錢九分七厘共銀一十兩零四錢三分七厘每年完糧銀五兩四錢二分又每年將餘羨銀六兩發給禮房湊辦文科謄錄書手之用尚餘留爲解費公用俱歸縣徵收亦無土名畝段然則學田應不止獅子巖六號可知也但經兵燹後冊籍無稽姑存此以俟參考

文衡土主田

土名七星岡田稅

遞年租穀 伍拾勛

學規

直省府州縣學明倫堂之左刊立順治九年

仁化縣志卷二

學規

三十二

欽定臥碑曉示生員文曰

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生當上報

國恩下立人品所有條教開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書記所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作
良吏若心術邪刻讀書必無成就爲官必取禍
患行害人之事者適以自殺其身宜思省
一 生員不可干求官長交結勢要希圖進身若果
心善德全上天知之必加以福
一 生員當愛身忍性凡有司衙門不可輕入卽有
切己之事止許他人代告不許干與他人詞訟
他人亦不許牽連生員作証
一 爲學當尊敬先生若講說皆須誠心聽受如有
未明從容再問毋妄行辨難爲師者亦當盡心
教訓勿致息惰

仁化縣志卷二

學規

三十三

一 軍民一切利病不許生員上書陳言如有一言
建白以違 制論黜革治罪
一 生員不許糾黨多人立盟結社把持官府武斷
鄉曲所作文字不許妄行刊刻違者聽提調官
治罪

康熙四十年頒奉

御製訓飭士子文及

聖論十六條雍正三年頒奉

聖論廣訓萬言及

御製朋黨論乾隆五年頒奉

欽頒訓飭士子文均敬謹刊刷裝演成帙藏於尊經閣每

月朔望教官率諸生詣明倫堂望

闕行三跪九叩禮畢恭奉宣讀令諸生拱聽無故不到者戒飭居址稍遠者輪班入城恭聽宣讀其有
唆訟抗糧緣事之生令於階下跪聽以示懲戒

學政全書

一凡生員不得充當書役入伍食糧及開設牙埠
地方官不得強令生員充當社長凡總甲圖差之類一應雜色徭役例應優免倘於本戶之外別將族人借名濫充者仍將本生治罪生員不得抗糧
逋賦違者褫革革後全完准予開復或有將本身錢糧多立戶名花分詭寄拖延者治罪包攬錢糧
侵收入己者褫革按贓定擬其有聚眾罷考挾制

仁化縣志卷二

學規

三十四

官長及關涉詞訟無故挺身作証并有巧構訟端
潛身局外者俱分別革懲生員所犯有應戒飭者
地方官不得擅自扑責會同教官具詳學政革訊
治罪例貢例監亦會同教官扑責

會典

一凡監生生員撒撥嗜酒挾制師長不守監規學
規及挾妓賭博出入官府起滅詞訟說事過錢包
攬物料等項問發爲民治以應得之罪得贓者計

贓從重論

律例

御製訓飭士子文

康熙四十一年

國家建立學校原以興行教化作育人才典至渥也朕
臨御以來隆師重儒加意庠序近復慎簡學使釐剔弊

端務期風教修明賢才蔚起庶幾棫樸作人之意乃比
年士習未端儒效罕著雖因內外臣工奉行未能盡善
亦由爾諸生積錮已久猝難改易之故也茲特親製訓
言再加警飭爾諸生其敬聽之從來學者先立品行次
及文學學術事功原委有敘爾諸生幼聞庭訓長列宮
牆朝夕誦讀寧無講究必也躬行實踐砥礪廉隅敦孝
順以事親秉忠貞以立志窮經考道勿雜荒誕之談取
師親友悉化驕盈之氣文章歸於風雅毋事浮華軌度
式於規繩易防蕩佚子衿佻達自昔所譏苟行止有虧
雖讀書何益若夫宅心弗淑行已多愆或蜚語流言脅
制官長或隱糧包訟出入公門或唆潑姦猾欺孤凌寡

仁化縣志卷二

學規

三十五

或招呼朋類結社邀盟乃如之人名教不容鄉黨切齒
縱倖脫褫扑濫竊章縫反之於衷寧無愧乎况鄉會科
名乃掄才大典關係尤重士子果有實學何患困不逢
年顧乃標榜虛名暗通聲氣夤緣詭遇罔顧身家又或
改竄鄉貫希圖進取囂凌騰沸網利營私種種弊端深
可痛恨且夫士子出身之始尤貴以正若茲厥初拜獻
便已作姦犯科則異時敗檢踰閑何所不至又安望其
秉公持正爲國家宣猷樹績應後先疏附之選哉朕用
嘉惠爾等故不禁反覆惓惓茲訓言頒到爾等務共體
朕心恪遵明訓一切痛加改省爭自濯磨積行勤學以
圖上進國家三年登進束帛躬旌不特爾身有榮卽爾

祖父亦增光寵矣逢時得志寧俟他求哉若乃視爲具文玩愒勿儆毀方躍冶暴棄自甘則是爾等冥頑無知終不率教也既負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣司長皆有司鐸之責者並宜傳集諸生多方董勸以副朕懷否則職業勿修咎亦難逭勿謂朕言之不預也爾多士尙敬聽之哉

聖諭十六條

敦孝弟以重人倫	篤宗族以昭雍睦
和鄉黨以息爭訟	重農桑以足衣食
尙節儉以恤財用	隆學校以端士習

仁化縣志卷二

學規

三十六

黜異端以崇正學	講法律以儆愚頑
明禮讓以厚風俗	務本業以定民志
訓子弟以禁非爲	息誣告以全善良
戒匿逃以免株連	完錢糧以省催科
聯保甲以弭盜賊	解仇忿以重身命

御製朋黨論

雍正三年頒

朕惟天尊地卑而君臣之分定爲人臣者義當惟知有君惟知有君則其情固結不可解而能與君同好惡夫是之謂一德一心而上下交乃有心懷二三不能與君同好惡以至於上下之情睽而尊卑之分逆則皆朋黨之習爲之害也夫人君之好惡惟求其至

公而已矣凡用舍進退孰不以其爲賢而進之以其爲不賢而退之惟或恐其所見之未盡當也故虛其心以博稽衆論然必衆論盡歸於至正而人君從之方合於大公若朋黨之徒挾偏私以惑主聽而人君或誤用之則是以至公之心反成其爲至私之事矣孟子論國君之進賢退不肖旣合左右諸大夫國人之論而必加察焉以親見其賢否之實洪範稽疑以謀及乃心者求卿士庶民之從而皇極敷言必戒其好惡偏黨以歸於王道之蕩平正直若是乎人君之不自用而必欲盡化天下之偏私以成大同也人臣乃敢溺私心樹朋黨各徇其好惡以爲是非至使人

仁化縣志卷二

學規

三十七

君懲偏聽之生奸謂反不如獨見之公也朋黨之罪可勝誅乎我

聖祖仁皇帝御極六十年用人行政邁越千古帝王而大小臣 未能盡矢公忠往往要朋結黨

聖祖戒飭再三未能盡改朕卽位以來屢加申飭而此風尚存彼不顧好惡之公而御其私暱 不可破上用一人則相與議之曰是某所汲引者也於是乎遠之若浼曰吾避嫌也不附勢也爭懷妬心交騰謗口以媒孽之必欲去之而後快上去一人則相與議之曰是某所中傷者也親暱者爲之惋惜疏遠者亦慰藉稱屈卽素有嫌隙者至此反致其殷勤欲借以釋憾

而修好求一人責其改過自新者無有也於是乎其人亦不復自知其過惡而愈以滋其怨上之心是朝廷之賞罰黜陟不足爲重輕而轉以黨人之咨嗟歎息爲榮以黨人之指摘詆訾爲辱亂天下之公是公非作好惡以陰撓人主子奪之柄朋黨之爲害一至是哉且使人主之好惡而果有未公則何不面折廷爭而爲是陽奉陰違以遂其植黨營私之計也書曰予違汝弼汝無面從退有後言當時君臣告語望其匡弼而以面從後言爲戒夫是故一堂之上都俞吁咈用能賡歌拜颺以成太和之運朕無日不延見羣臣造膝陳詞何事不可達顧乃默無獻替而狡猾叵

仁化縣志卷二

學規

三十八

測蓄私見以肆爲後言事君之義當如是乎古純臣之事君也必期致吾君於堯舜而人君亦當以堯舜自待其身豈惟當以堯舜待其身亦當以臯夔稷契待其臣孟子曰責難於君謂之恭陳善閉邪謂之敬吾君不能謂之賊夫以吾君不能而謂之賊則爲君者以吾臣不能亦當謂之忍語云取法乎上僅得乎中苟不以唐虞君臣相期待而區區效法僅在漢唐以下是烏能廓然盡去其私心而悉合乎大公至正之則哉宋歐陽修朋黨論創爲異說曰君子以同道爲朋夫罔上行私安得爲道修之所謂道亦小人之道耳自有此論而小人之爲朋者皆得假同道之名

以濟其同利之實朕以爲君子無朋惟小人則有之
且如修之論將使終其黨者則爲君子解散而不終
於黨者反爲小人乎設修在今日而爲此論朕必飭
之以正其惑大抵文人掉弄筆舌但求騁其才辯每
至害理傷道而不恤惟六經語孟及宋五子傳註可
奉爲與要論語謂君子不黨在易渙之六四曰渙其
羣元吉朱子謂上承九五下無應與爲能散其朋黨
之象大善而吉然則君子之必無朋黨而朋黨之必
貴解散以求元吉聖人之垂訓亦旣朋且切矣夫朋
友亦五倫之一朋黨不可有而朋友之道不可無然
惟草茅伏處之時恒資其講習以相飲助今旣登朝

仁化縣志卷二

學規

三十九

莅官則君臣爲公義而朋友爲私情人臣當以公滅
私豈得稍顧私情而遠公義且卽以君親之並重而
出身事主則以其身致之於君而尙不能爲父母有
況朋友乎况可藉口於朋以怙其黨乎朕自四十五
年來一切情儒無不洞矚今臨御之後思移風易俗
躋斯世於熙皞之盛故兼聽並觀周諏博採以詳悉
世務且熟察風俗之變易與否而無知小人輒議朕
爲煩苛瑣細有云人君不當親庶務者信若斯言則
臯陶之陳謨何以云一日二日萬幾孔子之贊舜何
以云好問好察此皆朋黨之錮習未去畏人君之英
察而欲蒙蔽耳目以自快其好惡之私焉耳朕在藩

邸時坦易光明不樹私恩小惠與滿漢臣工素無交
與有欲往來門下者嚴加拒絕

聖祖見朕居心行事公正無私故令纘承大統今之好爲
朋黨者不過冀其攀援扶植 急可恃而不知其無
益也徒自逆天悖義以陷於誅絕之罪亦甚可憫矣
朕願滿漢文武大小諸臣合爲一心共竭忠悃與君
同其好惡之公恪遵大易論語之明訓而盡去其朋
比黨援之積習庶肅然有以凜尊卑之分歡然有以
洽上下之情虞廷賡歌颺拜明良喜起之休風豈不
再見於今日哉

欽頒訓飭士子文

仁化縣志卷二

學規

四十

士爲四民之首而太學者教化所先四方於是觀型
焉比者聚生徒而教育之董以師儒舉古人之成法
規條亦旣詳備矣獨是科名聲利之習深入人心積
重難返士子所爲汲汲皇皇者惟是之求而未嘗有
志於聖賢之道不知國家以經義取士使多士由聖
賢之言體聖賢之心正欲使之爲聖賢之徒而豈沾
沾焉文藝之末哉朱子同安縣諭學者云學以爲己
今之世父所以詔其子兄所以勉其弟師所以教其
弟子弟子之所以學舍科舉之業則無爲也使古人
之學止於如此則凡可以得志於科舉斯已爾所以
孜孜焉愛日不倦以至於死而後已者果何爲而然

哉今之士惟不知此以爲苟足以應有司之求矣則無事於汲汲爲也是以至於惰遊而不知反終身不能有志於學而君子以爲非士之罪也使教素明於上而學素講於下則士子固將有以用其力而豈有不勉之患哉諸君苟能致思於科舉之外而知古人之所以爲學則將有欲罷不能者矣觀朱子此言洵古今通患夫爲已二字乃入聖之門知爲已則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉况卽爲科舉亦無礙於聖賢之學朱子云非是科舉累人人累科舉若高見遠識之士讀

仁化縣志卷二

學規

四十一

聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子也朱子此言卽是科舉中爲已之學誠能爲已則四書五經皆聖賢之精蘊體而行之爲聖賢而有餘不能爲已則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲已者聖賢之徒也志於科名者世俗之陋也國家養育人才將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者

知所以教而學者知所以學

四言韻文

道光十九年

惟天生民異質同性畀以五常統乎百行自聖及凡
無邪有正本體既明趨向乃定惟聖覺世振頑啟愚
防以刑政迪以詩書雷霆傲戶日月照衢提撕引掖
惟善之驅緬思古昔俗美化醇豆觴知義箕帚明倫
以忠於上以孝於親里因仁美隣以德薰蓋惟先民
正學是尚戶謹師承家遵蒙養行不履邪言不涉妄
聖教既昌皇風斯暢聿有二氏曰老曰釋老主清淨
釋宗寂滅爲教雖殊其指則一今之異端乃襲其說
嗟彼異端何獨非民不知父子不知君臣若飲狂藥

仁化縣志卷二

學規

四十一

如墮迷津離經畔道與匪爲鄰匪之不除邪說競作
僞託師巫妄言禍福結會傳徒糾盟黨惡使我良民
受其愚惑惟民之愚見異思遷謂可成佛謂可昇僊
教之不悟信之愈堅不惜軀身無論金錢嗟爾之軀
生自父母望爾承先待爾啟後達固爲榮窮亦可守
奈何不肖被其脅誘嗟爾之財辛苦所餘累非朝夕
積自錙銖衣食所賴緩急是需奈何被惑罄其蓄儲
今爲爾告爾其敬聽自來百邪不敵一正見晁雪消
遇霜草隕身敗名隳曾不轉瞬不見異端男女同室
廉耻道亡綱常理息如彼禽獸豈容天日一旦伏誅
悔之無及不見異端茹素念經愚我黔首亂我儒衿

生爲民蠹死受國刑殃禍不救祈祝無靈不見異端
創立名號敢肆講張自外覆幬翦鴟於林磔鼠在道
曾不崇朝首領莫保前車可鑒覆轍當思何習其教
更拜爲師念此蠢蠢哀我蚩蚩狂瀾不返疇其拯之
乃飭疆吏乃命守土爲爾去莠爲爾除蠹殄此虺蛇
投彼豺虎一警迷途同歸覺路自今庶民各守爾義
農服耕耘士修孝弟商阜其財工勤其藝莫作非爲
永守勿替更告爾兵武藝爲先冠不在美衣不在鮮
武勇旣備禮讓並嫻毋蹈非分永守勿愆矧今盛世
何生不育化及匙蟲澤被草木飽煖有資俯仰具足
幸生其時太平可樂勿千國憲勿犯王章各安本務

仁化縣志卷二

學規

四十二

共享平康秋田息蜡春社烹羊人其永壽天亦降祥

諭禁吸食洋烟

同治元年

王慶雲奏請定官弁士子兵丁吸食洋藥限制一摺
前於咸豐九年間經惠親王等奏定弛禁洋藥章程
內官弁士子兵丁仍不准其吸食以示限制茲據王
慶雲奏瀝陳官弁士子兵丁吃食洋藥流弊請嚴定
限制等語所陳屬實切中緊要洋藥一項雖已弛禁
惟流弊之甚者於風俗紀綱殊有關係文武官弁各
有職司俾晝作夜百事廢弛安能整頓諸色士子勵
志膠庠備登仕版若學業荒蕪安能復成大器兵丁
奮力戎行宜嫻軍旅倘精神疲軟技藝荒廢安能陷

陣摧堅現當訓飭官方整飭營伍之際豈容任其自
暴自棄不加明禁嗣後吸食洋藥除平民仍照變通
章程不在例禁外其官弁士子兵丁三項着仍照變
通章程一律禁止併着文武該管上司及學政教官
等實力查察有犯者立予重懲斥革不准姑容徇隱
以期力挽頹風至太監服役禁近宮衛森嚴尤不準
以洋藥帶入禁地着總管內務府大臣飭知內廷總
管太監等嚴行禁止如查有犯禁者即行查辦以昭
嚴肅欽此

書院 社學附

濂溪書院舊在城南門大街久廢詳古蹟同治十

仁化縣志卷二

書院

四十四

二年以學宮前橫街舊訓導署改修復為濂溪

書院 採訪冊

錦石書院在縣治東嘉靖二十年合邑士民建主

事歐紹記今無考以為即今試院是也

唐府志
採訪冊

仁陽書院在縣治南隔河水南文峰塔下嘉慶十

八年知縣鄭紹曾以僧院改建署縣事陳上烺

葺其事道光十九年知縣鄒宗堯修

仁陽義學乾隆十一年署縣事錢逢泰建後傾圮

嘉慶廿四年知縣鄭紹曾改建為試院

採訪冊

董勸書院在縣西董塘墟道光二十七年建咸豐

間遭賊毀壞同治十年修復

採訪冊

扶風書院在縣東北扶溪紫嶺村道光九年巡司

孫汝霖倡建 採訪冊

錦江書院在縣東北長江村嘉慶二年知縣洪人

驊倡建有記 採訪冊

會瀆社學明郡守符錫因毀淫祠建今無考

西隅社學在城西門外

北隅社學在城北門外

扶溪社學在扶溪

洪山社學在江頭

恩溪社學在永康都

案 鄭志於書院祇云屢更屢廢不載濂溪錦石

仁化縣志卷二 書院

四十五

仁陽義學會瀆社學等名今考登之亦告朔餼
羊之意也

舊志 李夢鸞曰寓內罔不有學而化不行俗不美

者蓋無師也仁邑社學鞠爲茂草矣子修文廟
後復設義學延質直之士教習諸生不徒工咕
嗶其務明聖道以不負右文之世乎尊經閣並
藏書爲楊賊所燬射所以觀德而圃亦廢是又
司鐸者所宜急商焉若夫學田爲貧士而設非
可以概恤其私也司馬曄更謂士子當置產之
由與作人之意以六經爲良田以進德爲稼穡
不然無功澤及人而虛糜廩粟晏然天地間一

蠹程伊川所以耻也善哉言乎

仁化縣志卷二

書院

四十六